

Азиз ва муқаддас юртимизнинг энг улуг, энг азиз айёми —

Мустақиллик куни барчамизга муборак бўлсин!



# HURRIYAT

Mustaqil gazeta

2019-yil 1-sentyabr, yakshanba \* № 28 (1140) \* 1996-yil dekabr dan chiqqa boshlagan \* Elektron manzil: info@uzhurriyat.uz \* www.uzhurriyat.uz

## ПРЕЗИДЕНТ ШАВКАТ МИРЗИЁЕВНИНГ ЎЗБЕКИСТОН РЕСПУБЛИКАСИ МУСТАҚИЛЛИГИНИНГ ЙИГИРМА САККИЗ ЙИЛЛИГИГА БАҒИШЛАНГАН ТАНТАНАЛИ МАРОСИМДАГИ НУТҚИ

Ассалому алайкум, қадри юртдошлар!

Муҳтарам меҳмонлар! Хонимлар ва жаноблар! Мана шу қувончли айёмда сиз, азизларни, кўпмиллатли бутун халқимизни Мустақиллик байрами билан чин қалбимдан табриклашга ижозат бергайсиз.

Бундан йигирма саккиз йил олдин Биринчи Президентимиз, муҳтарам Ислам Абдуганиевич Каримов халқимиз ва жаҳон ҳамжамиятига Ўзбекистон Республикасининг давлат мустақиллигини эълон қилди.

Ўтган қисқа даврда жонажон Ўзбекистонимиз машаққатли, шу билан бирга, шарафли истиқлол йўлини босиб ўтди.

**Бугун бир ҳақиқатни катта гурур ва ифтихор билан айтишга тўла асосимиз бор:**

**мард ва матонатли халқимиз қанчалик қийин ва оғир синовларга дуч келмасин, ўзининг мустақам иродасини намойён этиб, ўзи танлаб олган мустақиллик йўлига доимо содиқ бўлиб келмоқда.**

Бугун Ўзбекистон ўз тараққиётининг янги босқичига дадил қадам қўймоқда. Мамлакатимизни модернизация қилиш, инсон ҳуқуқ ва эркинликларини, қонун устуворлигини таъминлаш асосида Ўзбекистоннинг янги, демократик қиёфаси яратилмоқда. Бу борада Ҳаракатлар стратегиясида белгилаб берилган **"Миллий тикланишдан — миллий юксалиш сари"** деган устувор роҳ биз учун дастуриламал бўлиб хизмат қилмоқда.

**Миллий юксалиш деганда, биз мамлакатимиз тараққиёти,**

**халқимизнинг ҳаёт даражаси ва турмуш сифатини ҳар томонлама юқори босқичга кўтаришни тушунаемиз.**

Давлатимиз, эл-юртимизнинг салоҳияти ва қуч-қудратига таяниб, табиий бойликларимиздан оқилона фойдаланиб, биз ўз олдимизга қўйган ана шундай мақсадлар сари изчил қадам қўймоқдамиз.

Хурматли анжуман қатнашчилари!

Биз бугун қандай ислохотларни, қандай ўзгаришлар, қандай янги лойиҳаларни амалга ошираётган бўлмайлик, уларнинг барча-барчаси ягона, улуг бир мақсадга қаратилган. У ҳам бўлса, мана шу меҳнатқаш, захматқаш, олижаноб халқимизни рози қилиш, ҳаётнинг барча синновларини матонат билан енгиб

яшаётган ватандошларимизнинг ишончини оқлаш, оғирини енгил қилишдан иборатдир.

Лекин ҳаммамиз яхши тушунамизки, бундай улуг мақсадларга ўз-ўзидан, қуруқ ва баландпарвоз гаплар билан эришиб бўлмайди. Бундай марраларга фақат тинимсиз, оғир ва фидокорона меҳнат билан эришилади.

Шу мақсадда сўнги йилларда давлат ва жамият бошқаруви, суд-ҳуқуқ тизимини такомиллаштириш, мамлакатимизнинг муҳофаа қудратини мустақамлаш, ҳақиқий бозор иқтисодийётига ўтиш бўйича катта ишлар амалга оширилмоқда. Хусусий мулк ва тадбиркорлик учун кенг шароит ва имкониятлар яратиб берилмоқда. Макроиқтисодий барқарорлик таъминланмоқда.


(Давоми 2-бегда).

Жаҳон миқёсида нуфузи ошиб бораётган "Шарқ тароналари" XII халқаро мусиқа фестивалида сайёрамизнинг турли қитъаларидан келган моҳир хонанда ва созандалар, мусиқашуно ва санъатшуно олимлар билан бирга халқаро ташкилотлар раҳбарлари, давлат арбоблари ва таниқли сиёсатчилар иштирок этишди. Мухбиримиз фестивалда қатнашган хорижлик меҳмонлар билан суҳбатлашиб, уларнинг айримларидан таассуротларини ёзиб олди.




### "Шарқ тароналари" — хорижликлар нигоҳида:

**Каушик Дутта,** журналист (Ҳиндистон):



— Самарқанд мўъжизалар шаҳри экан. "Шарқ тароналари" халқаро мусиқа фестивали мўъжизавий шаҳарнинг ўзига хос ташриф қозоғига айланибди. Бизнинг мамлакатимиздан келган ансамбллар ушбу санъат байрамида иштирок этиб, миллий мусиқа меросимиз аъёнларини тарғиб этмоқда. Фестивалнинг очилиш маросимида Ўзбекистон Президентининг иштироки ва табрик йўллагани санъат анжумани қатнашчиларига кўтаринки қайфият бағишлади.


**Жон Мак КОЛЛУМ,** мусиқашунос олим (АҚШ):



— Ўзбек диёри билан масофамиз олис, ammo кўнглимиз яқин. "Шарқ тароналари" мусиқа фестивали бу яқинликни янада мустақамлашга хизмат қилмоқда.

Фестиваль доирасида "Шарқ халқлари аънавий мусиқа санъатини ривожлантириш истиқболлари" мавзусида халқаро илмий-амалий конференцияда ўз маърузам билан иштирок этдим. Унда товуш ҳамда ҳаракат тушунчалари хусусида сўз юритдим.


Маърузам сўнгида намуна сифатида қўшиқ ҳам қуйлаб бердим ва албатта, тадбир иштирокчилари мени таржимонсиз ҳам тушунди, деб ўйлайман.



**Киро Де РОСА,** блогер (Италия): — Мен мактабда ўқувчиларга инглиз тилидан дарс бераман. Мусиқага жуда қизиқаман. Сайтим ([www.blogfoolk.com](http://www.blogfoolk.com))да Италия миллий қўшиқларини жойлаштириб бораман.

"Шарқ тароналари" фестивалида кўпгина давлатларнинг куй-қўшиқларини тинглаш бахтига муяссар бўлдим. Мўъжизавий шаҳар — Самарқанднинг диққатга сазовор жойларини суратга оляпман.

Шу билан бирга ўзбек миллий мумтоз қўшиқларидан ўз юртимга ҳам эсдалик учун олиб кетяпман. Уларнинг энг сараларини сайтимга жойлаштириб боришга ҳаракат қиламан.



**Ясуда МАМИКО,** Токио санъат университети, мой буюк раманасвир бўйича лаборатория илмий ходими (Япония): — Фестиваль нафақат турли халқлар маданияти, мусиқаси билан танишиш, балки латиф ва бетакрор, муқаддас ва барҳаёт Шарқ дурдонаси — Самарқанд тарихи билан яқиндан танишиш имкони ҳамдир. Кунни кеча ислом оламида машҳур Имом Бухорий мажмуасида бўлдим. Рўҳий покланиш манзилининг ҳар бир қосинидаги нақшлар, ўтулганлар, турли қушлар бу улуг қадамжо ҳақида хабар бераётгандек, қўшиқ қилиб қуйлаётгандек, маърифат улашган алломалар юрти ҳақида сўзлаб бераётгандек таассурот қолдирди.



**Рандриантоандро КЛЕМЕНТ,** бастакор (Мадагаскар): — "Шарқ тароналари" фестивалида тўртинчи бор иштирок этаёпман. Илк марта 2011 йилда ўзимнинг ижодий чиқишларим билан ушбу фестивал танловида 3-ўринни олганман. Шундан сўнг, 2013 йилда яна бир бор маъруза мусиқа байрамида қатнашиш бахтига муяссар бўлдим. 2015 йилда эса ўзим ташкил қилган "NANTA" гуруҳини олиб келдим.

### Шуқуқ

Ўз мақсадларимизга албатта етамиз — келажаги буюк Ўзбекистонни барчамиз биргаликда барпо етамиз!

"Ўзбекистон" халқаро анжуманлар саройида Ватанимиз мустақиллигининг 28 йиллигига бағишланган байрам тантанаси бўлиб ўтди.

1991 йил 1 сентябрда Ватанимиз ўз мустақиллигини кўлга киритиши халқимиз учун оламшумул тарихий воқеа бўлди. Мустақиллик туғайли биз озод халқ, мустақил давлат сифатида Ўзбекистоннинг бор буйи-бастини дунёга намойён қилмоқдамиз. Халқимизнинг фидокорона меҳнати, ёшларимизнинг гайрати, азму шижоати боис Ўзбекистонимизнинг шон-шухрати олам узра ёйилмоқда.



**7 кун** • ЯНГИЛИКЛАР • ХАБАРЛАР • ВОҚЕАЛАР

### Шаҳидлар хотирасига ҳурмат кўрсатилди

**31 август — Қатагон қурбонларини ёд этиш куни**

Кеча Президентимиз Шавкат Мирзиёев "Шаҳидлар хотираси" ёдгорлик мажмуасида ўтказилган халқимиз озодлиги ва юртимиз мустақиллиги йўлида қурбон бўлганларни ёд этиш маросимида иштирок этди.

У ерда Куръон тиловат қилиниб, қатагон қурбонлари руҳига ҳурмат баҳо келтирилди. Пойтахтимиздаги "Шаҳидлар хотираси" ёдгорлик мажмуи музей экспозицияси янгиланганидан хабарингиз бор. Экспозиция 10 та бўлимда 14 минг 665 та экспонатни ўз ичига олган. Шу кунларда мингга яқин тарихий ашёлар намойиш этилмоқда. Президентимиз хиёбондаги рамзий қабр ёнида нурунийлар, уламо ва зиёлилар билан суҳбатлашди. Тадбирда Ватанпарвар боболаримизнинг меросини ўрганиш, хотирасини абадийлаштиришга алоҳида эътибор қаратилаётгани қайд этилди. **Холида ФАЙЗИЕВА.**

### 60 оила — 60 янги уй

Ватанимизнинг энг улуг, энг азиз байрами — Мустақиллик куни арафасида Урганч шаҳрининг "Оби-ҳаёт" маҳалласи ҳудудида қурилган, 60 хонадонга мўлжалланган кўп қаватли тураржой биноси серфарзанд оила соҳибларига тантанали топширилди.

Уч ва тўрт хонадан иборат уйлар йўлаклари кексалар ва ногиронларга мослаб қулай қилиб лойиҳаланган, ташқи фасади ҳам нурунийларнинг очик ҳавода сайр қилишлари учун шинам ҳолатта келтирилган. Янги уй эгалари узоқ-яқин туманлар, қишлоқлардан марказга қатнаб ишлаётган ҳамда ўз турар-жойига эга бўлмаган фуқаролардир. Қулай турмуш ва иш шароити ҳар бир инсоннинг ўз бурчини сидқидилдан бажаришига имкон яратади. Уй билан таъминланганлар орасида мамлакатимизнинг ялпи тинчлиги, осойишталиги, халқимизнинг хотиржам ва аҳилона турмуш кечирishi йўлида фаоллик кўрсатаётган ички ишлар ходимлари ҳам бўлиб, улар янги иморатнинг тақдимот маросимида кўрсатилган гамхўрлик учун самимий миннатдорчилик билдиришди. **Собир АБДУЛЛАЕВ.**

### Тўйга тўёна

Янгиланишлар ва ободликдан кўзимиз қувнади. Шу муборак кунларда Термиз шаҳар ҳокимлиги ташаббуси билан хайрли ишга қўл урилди.

«Жонажон Ўзбекистоним, мангу бўл омон!» бош ғояси остида "Шоҳсарой" тўйхонасида ижтимоий ҳимояга муҳтож оилаларнинг 12 нафар фарзандларига суннат ва бир янги оила — келин-куёвнинг никоҳ тўйлари ўтказилди. **Мастура ҲАМРОЕВА.**





## ► Сана

Марказий Осиёда хабар ва янгиликларнинг газета ва журналларда чоп этила бошлаганига 100 йилдан ортиқ вақт ўтди. Техник имкониятлар чекланган, соҳа мутахассислари камчиликни ташкил этган бўлса-да, ўтган асрнинг биринчи чорагидан бошлаб бир гуруҳ эркин фикрловчи, маърифатпарвар зиёлиларнинг саъй-ҳаракати билан кўпгина газета ва журналлар нашр этила бошлаган.

## Газетаси йўқ миллат тилсиз инсонга ўхшайди

“Овози тожик” газетаси 95 ёшга тўлди

Жумладан, минтақамиздаги ёши улгур газеталардан саналган “Овози тожик” нашри 1924 йилнинг 25-августидан илк бора чоп этилган. Айтиш пайтда “Овози тожик” газетаси тахририяти аъзолари рўзноманинг 95 йиллигини нишонлашмоқда.

Мабодо бир аср олдинги газета ва журналлар ҳаётига назар солсак, уларнинг тақдири бир хилда кечмаганлигига амин бўламиз. Шу жиҳатдан ифтихор билан таъкидлаш мумкинки, “Овози тожик” камбағал (газета дастлаб шундай номланган) рўзномаси XX аср бош-

ларидаги дастлабки нашрлардан фарқли равишда зафар кучган эди.

“Овози тожик” дастлаб Самарқандда чоп этилди. Тахририятда малакали ишчи-ҳодимлар фаолият юритди. Газетанинг ихлосмандлари кўпайиб борди. Унинг дастлабки сонларидан бошлаб саҳифаларида янги давр тожик адабиёти ва ушбу рўзноманинг асосчиси Садриддин Айнийнинг маърифат ва маърифатсизлик тўғрисидаги мақолалари бериб борилган.

Айтиш жоизки, “Овози тожик” даврий нашр сифатида собиқ ком-

фирқа билан бир қаторда республика ҳукумати расмий нашри ҳам эди. Ушбу йилларда газета турли вазият ва зиддиятларга дуч келган пайтларни ҳам бошдан кечирди.

Мустақиллик йилларидан бошлаб Ўзбекистон Республикаси Вазирлар Маҳкамаси ва Ўзбекистон Республикаси Олий Мажлиси “Овози тожик”нинг бош муассисига айланди. Албатта, янги давр ва собиқ тузум муассис ва нашрлари бир-биридан тубдан фарқ қилар эди. Аммо ҳар қандай шароитда, ҳар қандай вазиятда ҳам газета



Суратда: “Овози тожик” газетаси тахририяти жамоаси.

ўзининг доимий шиориға амал қилиб келди, яъни у халқлар орасида, хусусан, ўзбек ва тожик халқлари орасидаги азалий дўстлик кўприги вазифасини ўтаб келди.

Бугунги кунга келиб, эркин ва озод фаолият юритаётган кадрлар учун муваффақиятлар ўз эшигини очмоқда. Ана шундай бунёдкорлик омиллари сабаб газетанинг бир гуруҳ ходимлари кейинги йилларда ҳукуматимизнинг қатор мукофот ва орденлари билан тақдирланиб келмоқда. Бу ўз навбатида ҳар бир ишчи-ҳодимдан ўз вазифасига янги назар билан боқишни, ўзини янги ислохотларнинг бунёдкори сифатида намоён этишни талаб этади. Мамлакатимиз тожикларининг иходий, илмий, маданий ва маънавий ҳаёти ушбу масаланинг бир қисми бўлиб, “Овози тожик”

бу масалага доимий эътибор қаратиб келмоқда.

“Овози тожик” — Ўзбекистондаги тожикзабон инсонларнинг ягона минбарига айланиб улгурди. Таъкидлаш керакки, тожик халқининг ихтимой ва маънавий олами билан боғлиқ масалалар нашрининг муҳим мавзуси ҳисобланади. Чунки тожиклар ва ушбу тилда мулоқот қилувчи халқлар ҳаётига доир ҳеч бир масала рўзнома назаридан четда қолиб кетмайди.

Кўшни давлатлар, хусусан, Тожикистон Республикаси билан муносабатларнинг қайтадан тикланиши, юртимиз тожикларининг илмий, таълим, адабий ва маданий ҳаётига оид ижобий ўзгаришларнинг кўзга ташланиши қувонарли ҳол, албатта. Буларнинг барчаси мамлакатимизда амалга оширила-

ётган буюқ ислохотлар билан бирга бизнинг олдимизга кўпгина муҳим вазифаларни кўндаланг кўймоқда. Шу ўринда улғу адиб Садриддин Айнийнинг жонқуярлик билан газетанинг илк сонидан ёзган кўйидаги сўзларини эсга олиш мумкин: “Қавм тили шахслар тили каби оддий бўлмайди, балки бир миллатнинг таржима тили бўлмоғи керак бўлган восита бу миллат рўзномасидир”.

Дарҳақиқат, газета миллат ойнаси. Газетаси йўқ миллатни тилсиз инсонга менгзайди. Шу маънода “Овози тожик” рўзномасининг ўрни, салоҳияти ҳар жиҳатдан эътиборга моликдир.

**Тожибой ИКРОМОВ,**  
“Овози тожик” газетаси бош муҳаррири уринбосари.

Реклама ҳуқуқи асосида

## QIB | QISHLOQQURILISHBANK

барча юртдошларимизни  
мамлакатимиз

Мустақиллигининг  
28 йиллик байрами

билан самимий табриклайди.  
Сизларга мустақкам соғлиқ,  
оилавий хотиржамлик,  
куч-қувват, шунингдек,  
Ватанимиз тараққиёти ва  
фаровонлиги  
йўлидаги бунёдкорлик  
ишларингизда янгидан-янги  
муваффақиятлар тилаймиз.



ФУРСАТДАН ФОЙДАЛАНИБ, МИЛЛИЙ ВАЛЮТАДАГИ ҚҲЙИДАГИ  
ЯНГИ ОМОНАТ ТУРЛАРИНИ ТАКЛИФ ЭТАМИЗ:

“Инсон манфаати” —  
омонат муддати — 13 ойдан 25 ойгача,  
фонв ставкаси йиллик 20 %.

“Келажак бунёдкори” —  
омонат муддати — 25 ойдан 36 ойгача,  
фонв ставкаси йиллик 21 %.

Ушбу омонатларга ҳисобланган фонвлар ҳар ойда тўлаб борилади.  
Сизнинг омонатларингиз Фуқароларнинг банклардаги  
омонатларини кафолатлаш фонди томонидан кафолатланади.

“Қишлоқ қурилиш банк” —  
фаровон ҳаётингиз хизматида!

(78) 150-72-53, 150-93-39

www.qib.uz

Хизматлар  
лицензияланган.

Ғолибжон АБДУЛЛАЕВ.

### ► Мукофот муборак!

Қорадарё Назиржон ака яшайдиган қишлоқнинг этагидан баҳорда тўлиб-тошиб, кузда эса сокин оқиб ўтади. Назиржон ака тонгда, баъзан ишдан эртарақ қайтганда, ана шу дарё бўйига тушади. Илгари сув ўзанига сиғмас эди. Ҳозир эса... ўйга толади у.

## Оққан дарё оқаверади

Одамнинг умри ҳам дарёга ўхшайди. Ортига қайтмайдиган ўжар оқимга қараб Назиржон ака беихтиёр отасини эслайди. Бир умр “болаларим” деб, сабру қаноат билан ўтган онасини ёдга олади...

Мақтадан туман газетасига ишга чакирганларида бир умр ҳаётим матбуот, қоғоз-қалам билан боғланади, деб ўйлаганмиди? Андижон тумани газетасига муҳаррирлик қилган даври, Олтинқул тумани ташкил топганда янги газетани шакллантириш, кейинчалик уни энг ўқишли, жўшқин нашрлардан бирига айлантириш жараёнида кўпчиликка бош бўлиш синоатларини ўрганган бўлса ажабмас. Туман ижроқўми раисининг ўринбосари, кейинчалик чекка худуддаги ҳўжаликка раислик эса анчайин ўзгаришлар палласи, айтиш мумкинки, талотўп даврга тўғри келди.

Назиржон Саидовни Олтинқул тумани ҳокимлигига сайлашганда унинг қай қобилияти-ю қандай иш тутумини ҳисобга олган бўлишса ажабмас. Бунга оддий одамлар соддагина қилиб “ўзимизнинг Назиржон”, деб жавоб берган бўларди. Ҳа, ўшанда намоён бўлган оддийлик, самимият, каттани катта, кичикни кичик, деб муомала қилиш маданияти матбуот дарғаларидан “оққан” хусусиятлар бўлгандир, эҳтимол.

Сўнгра вилоят ҳокимининг ўринбосари сифатида ихтимой-маънавий, маърифий соҳаларга жавобгарлик масъулиятини зиммасига олди. “Андижоннома” ва “Андижанская правда” газеталарига муҳаррирлик эса ана шу жараёнинг бевосита давоми эди.

Ўзбекистон Республикасида хизмат кўрсатган маданият ходими, эл таниган, билган ўша “ўзимизнинг Назиржон” Саидов бугун Ўзбекистон Журналистлари ижодий уюшмаси Андижон вилояти бўлими раиси вазифасида хайрли ишларга бош-қош.

Умр деганлар югурик дарё сувидай оқиб ўтяпти. Энг муҳими, у не-не ташна дилларга ҳаёт бағишлаётир. Ундан қанча-қанча ниҳоллар баҳраманд бўлиб, гулга қиряпти, мева беряпти. Мана шунинг ўзи тақдирга битилган саодат эмасми?!

“Мустақиллигимизнинг йигирма саккиз йиллиги муносабати билан давлат хизматчилари ҳамда ишлаб чиқариш ва ихтимой-иқтисодий соҳалар ходимларидан бир гуруҳини мукофотлаш тўғрисида”ги Ўзбекистон Республикаси Президентининг Фармониға асосан бир қанча юртдошларимиз қаторида Назиржон Саидов ҳам юртимизда барча соҳаларда эришяётган улкан ютуқларга қўшган муносиб ҳиссаси учун “Эл-юрт ҳурмати” ордени билан тақдирланди.

Устоз журналист ҳузурда уни юксак мукофот билан муборакбод этар эканмиз, унинг шукроналик билан айтган сўзларини қоғозга туширишни лозим топдик:

— Мана шу табаррук заминда яшаётган ҳар бир кишининг қалбидан, айниқса, кейинги уч йил ичида давлатдан рози бўлиб яшаш ҳис-тўғуси кучайгани аққол кўринди, — деди устоз тўлқинланиб. — Мухтарам Президентимизнинг узоқни кўра билиш салоҳияти мамлакатимизни янги, истиқболли йўлларга олиб чиқаётганини биз — ижод аҳли ҳар қадамда ҳис этиб туришимиз.

Мен қишлоқда туғилиб ўсиб, ижод захматларини озми-кўпми тотган қалам аҳли вакилларидан бири сифатида одамларнинг ҳаёт даражасини яхшилаш йўлидаги ишлардан баҳолиқудрат воқиф, уларга елкадош бўлиб келдим. Шунинг муболагасиз айтишга бурчлиманки, бугун халқимиз бошига бахт қуши қўнган кунларга етиб келдик.

Мамлакатимизда амалга оширилаётган туб ислохотларнинг қўлаи ва шиддати Андижонда ҳам бутун салобати, шижоати билан ўз ифодасини топяпти. Биз, қаламкашлар эса ана шу меҳнатнинг рўйи рост ва ҳаққоний ифодачилари бўлмоғимизни тобора чуқур ҳис қиляпимиз.

Менга берилган мукофотни жамиятимизда эл-юртнинг хизматиға камарбастанман, дейдиган ҳар бир фуқаро меҳнатиға яраша обрў-эътибор топишдан далолат, деб биламан. Президентимизнинг “Хайрли ишларға ҳисса қўшаман, дейдиган инсонларни бошимизға кўтарамиз”, деган сўзларига ҳаётим мисолида яна бир қарра иқрор бўлдим...

Устоз шу гапларни дилидан ўтказиб, тилга чиқарар экан, кўзларидан бир чўғ порлаётганини кўрдик.

...Ҳа, бу — дарё қирғоғида ўйга чўмиб ўтирган Инсон ҳақида бир чимдим хуш калом эди. Барини ёзсак, бир китоб бўлади.

Реклама ҳуқуқи асосида



MIKROKREDITBANK

Мақсад сари дадил қадам!

«Микрокредитбанк» АТБнинг кўп минг кишилик жамоаси  
Ватан равнақи йўлида фидокорона меҳнат қилаётган  
барча юртдошларимизни энг улуг,  
энг азиз айём —  
Мустақилликнинг 28 йиллик байрами  
билан самимий муборакбод этади!

Жонажон Ўзбекистоним,  
мангу бўл омон!



Хизматлар лицензияланган.

Тел.: 71-202-99-99.

### “Урганч — Бахмал” МЧЖ

барча ватандошларимизни энг улуг,  
энг азиз байрамимиз — Ўзбекистон Республи-

юртдошларимиз ва юртимиз  
меҳмонларини жимжимадор ва  
ғўзал рангларда жилдоланувчи бахмал-  
газмол маҳсулотлари билан таъмин-

Хонадонларингиздан  
қут-барақа арима-  
син, юртимиз доимо



Реклама ҳуқуқи асосида

### “Қишлоқ қурилиш инвест” инжиниринг компанияси Хоразм вилоят филиа-

халқимизни, соҳа ходимларини  
Мустақиллик байрами билан

Бунёдкорона  
меҳнатимиз, эзгу саъй-  
ҳаракатларимиз юртимиз-  
га,  
оилаларимизга



### ► Бунёдкорлик

#### Ўзбекистондаги осмонўпар бино — «NEST ONE»

Пойтахтимиздаги “Tashkent City” халқаро  
ишбилармонлик марказида бўлиб ўтган матбуот  
анжуманида ҳудудда қуриляётган 51 қаватли  
бинонинг қулайликлари хусусида маълумот  
берилди.

Ўзбекистондаги илк осмонўпар бинонинг  
расмий номи ҳам эълон қилинди. Лойиҳа  
концепциясини тўлалигича ўзида акс эттира-  
диган бино “Nest one” — “осмон барча учун”  
деб аталади.

Бинодаги 746 та “люкс” хонадондан ташка-  
ри, офислар, ресторанлар, спорт ҳудудлари,  
кинозал, чекиш хонаси, телескопли хона ҳамда  
бошқа умумий хоналар мавжуд. Пастки қават-  
ларда автомобиллар тўхташ жойи барпо этиш  
кўзда тутилган.

Ҳаво очик бўлганда, “Nest one”нинг юқори  
қаватларидан деярли 100 километр радиусда  
шаҳар яққол кўзга ташланади. Дастлабки  
ҳисоб-китобларга кўра, турар-жойлар, амалий  
ва ижтимоий зоналарнинг қурилиш ишлари  
2021 йилнинг декабрь ойида якунланиши  
режалаштирилган.

“Nest one” осмонўпар биносидаги хонадон-  
лар жорий йил 14 сентябрдан бошлаб сотувга  
қўйилади.

Ўз мухбиримиз.

#### ЎЙНАБ ГАПИРСАНГ ҲАМ, ЎЙЛАБ ГАПИР!

Мисрда та-  
никли теле-  
бошловчи Ри-  
хам Саид се-  
миз инсонлар  
ҳақида айтган  
сўзлари учун  
эфирдан бир  
йилга четлаш-  
тирилди, деб  
хабар берди Sky News Arabia телекана-  
ли.

ОАВни тартибга солиш масалалари бўйи-  
ча Миср олий кенгаши ана шундай қарор  
қабул қилди.

Рихам Саид ёшларга оид телекурсувда  
ортиқча вазн кўйган мисрликлар ҳақида кес-  
кин фикр билдирганди. Айниқса, Саид тўла  
аёлларни “оила ва мамлакат учун ортиқча  
юк”, “ўлик”, “хунук” ва “эрга тегиш истик-  
болдан маҳрум” деб атаганди.

Миср аҳолиси уни ирқчилик, таҳқирлаш  
ва инсонларга ҳурматсизликда айблади.

Интернет материаллари асосида  
А.СОДИҚОВ тайёрлади.



### ► Дунёда нима гап?

#### ЖАКАРТАНИНГ МУАММОСИ



Индонезия ҳукумати тирбандлик-  
лар ва аҳоли сони ортиб кетиши-  
дан азият чекаётган пойтахт Жа-  
картани Борнео оролларига кўчи-  
ришни режалаштирмоқда.

Аниқ жой ва муддат ҳали маълум  
қилинмади, аммо мамлакат президен-  
ти Жоко Видодо бу ҳақда парламент  
сессиясида расман эълон қилди.

Бунинг сабаби Жакарта йилига  
ўртача 1 сантиметрдан 15 сантиметргача чўкаяпти. Олимлар-  
нинг таъкидлашича, ҳозирги пойтахт 2050 йилга бориб тўлиқ  
сув остида қолиши мумкин. Шаҳарнинг ярми амалда денгиз  
сатҳидан паслаган, Жакартани Ява денгизи ювиб туради ва  
шаҳар ичидан 13 та дарё оқиб ўтган.

#### ЕВРОПА ИТТИФОКИНИНГ ЭЪТИБОРИ ЯНА РОССИЯ ВА ЭРОНДА

Брюссель Россия ва Эрон-  
нинг Форс кўрфазида машгу-  
лотлар ўтказишни режалаш-  
тирганидан хавотирда, бу  
ҳақда Европа дипломатияси  
раҳбари Федерика Могерини  
маълум қилди.

“Бу хавотир уйғотиши тайин,  
чунки Яқин Шарқ кенг маънода  
шахмат партиялари ўйналадиган  
майдонлар сони ошишига муҳтож эмас ва албатта, минтақада  
ўйинчилар сони кўпайишининг кераги йўқ, Буни диққат билан  
кузатамиз”, — деди у.

Эрон ҳарбий-денгиз кучлари кўмондони Хусайн Хонзодий  
2020 йил мартгача Россия билан ҳамкорликда ҳарбий-денгиз  
машгулотлари ўтказишини маълум қилганди.



#### ШАХСИЙ ЁРДАМЧИ ИСТЕЪФОГА ЧИҚДИ

АҚШ президенти  
Дональд Трампнинг  
шахсий ёрдамчиси  
Мадлен Вестерхут ўз  
лавозимини тарк этди.  
Бу ҳақда ўз манбалари-  
га таяниб The New York  
Times хабар берди.

Нашр суҳбатдошининг  
сўз-ларига кўра, Трамп-  
нинг маъмуриятдаги дастлабки кунларидан бошлаб  
ёрдамчилик қилган Вестерхут пайшанба кuni истеъ-  
фога чиққан.

Бунга сабаб Вестерхут Трампнинг Нью-Жерсида  
ўтказган таътили тафсилотларини журналистларга сўзлаб  
берганди.

Энди унинг учун Оқ уй ашиклари ёпилди.



